

Kalesia

¹ Ẹta, Kótóné ama fo yó male fópóló dotẹyale *aposel* whì Pol-né dià Kalesia hae kwiamó tẹ mole be huluamó betó mole Keriso fake so whìpaae asẹ i dere ape. Ẹta, mepaae whìrapené dotonatepa ó mo whìné kisipané kekeme nóló i kutó dine fae yóló dotonatepa wéni, Yesu Kerisoró ẹ kepaarale Alima Kótótamoné i kutó dine fae yóló dotonalepó.

² Yàlo i dere asẹta, ẹ wotoró bitu dumi, mepaae Keriso norape ẹtamo betámó betó mole whìrape dà feané dià Kalesia hae kwia dokómó betó mole Keriso fake so whìpaae dapó.

³ Dàné Aya Kótóró Tale Yesu Kerisotamoné hẹle hamokoróló tao sere alaró hosaa muni deyóló mo dua betere alatamo dià tuàpaae erópóló yae.

⁴ Mió i alimó mole dowi alané doasi fotokṣné dà so whì dokoló mulaṣsóró, Yesuné ama betere bete melóló dupuraleteiné dà hẹle fópóló eralepó. Aita, dàné Aya Kótóné kisipa mole ala sya furaalu eró beterapó.

⁵ Kótóné ama doi betà hale sóró horóló, doasi doi mo ti muó tanópóló yae. Mo kée. Táyópóló yae!

Talené kisi fo wisita, me kaae mei mo betqtóró mulapóló ere fo

⁶ Yesu Kerisoné hẹle hamokoróló tao sere alané Kótó ẹ beterepaae ape yalepó. Atéyale sekẹ taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ẹ kilita sókó fulapó.

⁷ Mepaae whīrapené diāpaae mió wosetere kisi fo wisi i ape yóló yó matepa, ti aita kale wosetere fo wisi mei ai ape. Aita, Yesu Kerisoné mió wosetu betere kisi fo wisi me kae fotamo hosekéróló doróo, diaaḡ kisipakélé kōpaae falóo, yaalopóló kisipa mutapó.

⁸ Ḑanékélé, ó hepen bemó betere *ensel-nékélé*, Kótóné mió wosetere fo wisi take ḑané diāpaae yó male kaae ini, kae fotei fo wisipóló yó matepa, ti ai whī mo ti só deróló alu yaaire tikipaae fōpóló yae.

⁹ Take ḑané diāpaae yale fotei momó i dapa wosae. Whī me dené diaaḡ woseté wou betere kisi fo wisi kaaetóro yó meni, fo me kae yó matepa, ti atétere whī só deróló mo ti alu yaaire tikipaae fōpóló yae.

¹⁰ Yálo i du betere fo ó du betere ala mo whīrapené kolóló, i whīné mo wisi ala dapóló dukirópóló dépé? Kótóné kilitu mo wisi ala dapó yópóló du betere? Mo whīrapené kisipa tiki felé yaaire alatamo yálo du bituḡsóró, ti ẹ Yesu Kerisoné kutó diratere whī bituḡ meipó.

Polaposel whī sóró beteraai Kótóné ą beterepaae ape yale fo

¹¹ Norape-ó, diaaḡ mo wisiyóló kisipa yaasepóló yálo i dere fo wosae. Yálo diāpaae yó mótu betale mió wosetere kisi fo wisita, mo whīné kisipanétei kaarale fo meipó.

¹² Ai fo wisita, me whīné depa yálo wosóló ó me whīné ẹ yó matepa kisipa sóró dumitei, Yesu Kerisoné amatóro ẹpaae haḡearóló yó matepa kisipa yalepó.

13 Ẹ take Keriso whi betaairu, Juda fakené Talepaae momatu betere ala sya fóló du betalepó, dere fo diaaḡ wosóló ai kisipare ape. Atétu, yálo mo doa ketekẹ buóló du betale alata, Kótóné so whipaaekélé susupui ala eróo, Yesu Kerisoné ala wisikélé mo ti doróo du betalepó.

14 Yálo ayarapené mara mole ala sya furaalu, Juda fakené Talepaae moma dere ala etéró yae yóló, doasi kisipare yó matere whirapené dā teó whirape yó malepó. Atétu, betere tuámó ẹtamo betámó doayale Juda whirape fea betepatei, yálo kisipa sale alané atima mo teraae felepó. Atéru, yálo ayarapené mara mole ala mo doa ketekẹ buóló sya fu betale whi ẹ i ape.

15 Atétu betaletei, ẹ teó deyaaiḡa sóró kae beterales Kótóné, ama hāle hamokoróló tao suraalu ẹ beterepaae ape yalepó. Tétu, Kótó ẹ wisi kisipatamo ama naale ẹ tuámó hakearóló yó malepó. Atéyale sukamó, ẹpaae etei ala eralepóló me whitamó inipó.

16 Atéró betepa, Kótóné ama Naalema noa kaae whirópóló kóló kóló yaḡsóró, amatei ẹ ẹ tuapaae yó malepó. Até yaleteita, Juda meire fake so whipaae Yesu Kerisota, etei kaae whipóló yó maté kwẹyópóló kisipa mutu, eralepó.

17 Ai ala yale be demó, i kaae ala yaletei noa betené yalerópóló, ẹ betaaiḡa folo sóró beterales *aposel* whirape Jerusalem bemó betó mupa kele fenipó. Aténi, ẹpaae ai ala erale be demótóróti Arabia hae kwiapaaepi fóló, nalomo ti Damaskus bepaae fesaayóló felepó.

18 Atéró bitiré fóló, ba fo sore kemetepa, ẹ Pita

wisiyóló kisipa inireteiné kisipa yaai, Jerusalem bepaae horóló ątamo betepa, 15-ró be dę ke-meyalepó.

¹⁹ Aimó ątamo mepaae *aposel* whįrape betepa kilinitei Talené noma Jems betą betepa kelalepó.

²⁰ Yąło i aųtu betere fota kapala mei, Kótóné keletómó mo i dere ape.

²¹ Atéró betale kįlipaae ti ę Siria hae kwiaró Silisia hae kwiatampaae felepó.

²² Até yale sukamó Judia hae kwia dokómó betó mole Keriso fake so whįné ę kolóló kisipanipó.

²³⁻²⁴ Ténitei, yąło i ala du beterapó dere fo maaté atimané wosipakalepó. Téturaalu ąta, take dą Keriso fake so whįtamo bóe dóló susupui ala eróo, Yesu Kerisopaae kisipa tiki tiratere alakélé doróo du betale whįtei, miómo Yesupaae kisipa tiki tiraaire fo wisi so whį feapaae yó maté kutu beterapó dere fo woseturaalu, Kótóné doi hale sóró horótu beterepó.

2

Mepaae aposel whįrapené Pol wisiyóló dape sale fo

¹ Ę ba fo 14-ró beteró kemetepa, Jerusalem be huluapaae momó horalepó. Até yale sukamó Banabas dąmo wusuró huturaalu, Taitus-kélé dapesóró dą fea horalepó.

² Ę atéró feleteita, yąło kọleaané feni, Kótóné yąło kisipa tiki tuąpaae i ala ene fae depa felepó. Juda meire fake so whįpaae yąło yó maté kutu betere mió wosetere kisi fo wisi etéró i ape yóló,

yó melaai horalepó. Téyaletei, ai fo so whi feapaae yó meni, Keriso so whi betó mole tuamó doi mole whirapepaae maaté yó malepó. Atéro doi mole topo whirapepaae yó melaiteita, hāle meipó. Yālo take ditu betale kutókélé, mió i ditu betere kutókélé, me bete muni nisiyóló, mepaae whirapené eratere fo yaqsóro yalepó.

³ Ẽtamo betere whi Taitus āta Juda meire fake whi betereteiné āpaae yā tiki sekaē tikaē yóló sēnipó.

⁴ Ti aita hāle meipó. Mepaae whirape kapalatei, norape aqyóló dātamo bitu, Yesu Kerisoné yale alané dā teraayóló feléyóló betere ala kikití kelaai walepó. Aita, dā wae sóro kutó diratere whi beter-aaí kisipa mutu, yalepó.

⁵ Até yaletei, atimané i ala yae yóló sē du betere fo wosóló, téyaalopó dere fokélé inipó. Ti aita, noa ala yópóló kisipa mutu yaleé? Mió kale wosetere kisi fo wisi diaaḡ wosóló ita, mo doa bete mole fopóló diā tuamó muó tanópóló yalepó.

⁶ Jerusalem bemó doasi doi mulapó du betere whirape-ó doi munire whita, yālo me ȝla meipóló kisipa mualepó. Ti noa betené meipó. Kótóné ama dāné tó tikimó ere ala kolóló, ita doasi doi mole whipóló doi mulatere ala dumipó. Ai whirapené yālo yó male fo wosetu mo dono dapóló, atimané me fo kae beleróló inipó.

⁷ Aténi, Juda so whipaae mió wosetere kisi fo wisi Pitane sumó yó maté konérapóló Kótónétei ā sóro beteratepa, kale doasi doi mole whirapené kolóló kisipa yalepó. Até yale kaaetóro, Juda meire fake so whipaae yó maté kwēyópóló, Talené ē sóro

beteraleiteikélé atimané kolóló kisipa yalepó.

⁸ Ti Pita Juda fake so whi tuámó *aposel* whi bitu, Talené fo yó mótu betepa, ai ala tuápaae Kótóné ama fotokọ bulalepó. Atétu yale kaae, Juda meire fake so tuámó *aposel* whi bitu, ama fo yó mótu betepa Kótóné ẹ fotokọ bulalepó.

⁹ Jerusalem bemó betó mole so whirapené Keriso alamó be belerapó du betere whirape Jems, Pita, Jon-sépi atimané Kótóné ama ẹpaae melale hamokoróló hāle tao sale ala kilituraalu, Banabas dāmoné mo donoi ala dapóló kisipa mutu wisiyóló dape salepó. Atéró dāmo Juda meire fake so whi tuápaae fóo, atima ti Juda fake so whi tuápaae fóo, yaairaaalu dā fea fo kēlaaróló, wisirapóló mo betā kisipatóró mualepó.

¹⁰ Atéró, dāmopaae i fo betā yalepó. “Diaamo fo yó maté kuturaalu, ai be huluarapemó yoleale yóló betó mole so whi tao sere alakélé hāle yó tawae,” yalepó. Ti aita, yālo keteke buóló mo taketi hāle yó tare alapó.

Pol-né Pita foné sale fo

¹¹ Téró Pita Antiok be hulupaae wóló betere sukamó, ama hāsókó fele ala yālo āpaae teraae faróló, ā foné salepó.

¹² Ti noa betené meipó. Mepaae Jems-né doto-natepa wale Juda whirape waa i teópa, ā Juda meire fake whirapetamo bitu, ọla nukua yalepó. Até yaletei, kale whirape Antiok bepaae wale sukamó, Pita ā Juda meire faketamo ọla betāmó naletei taaróló, kae biṭi felepó. Até yaleteita, kale tiki sekaṭ tukóló siriró betere whirapené keletómó

Juda meire fake whīrapetamo ɔla betāmó nukupa noa kisipa muaalorópóló wituraalu yalepó.

¹³ Pitané ɗa fea Keriso fake so whī mo betā alatóró erapó du bitutei, ama yale alané fake tekeyóló Juda fake kae aɔróo Juda meire fake kae aɔróo eralepó. Ai hɔko ala mepaae Juda fak-enékélé sya felepó. Ai hɔko ala fakeyóló Banabas-nékélé yalepó.

¹⁴ Mió wosetu betere bete mole fo wisi mupatei, atimané dere ala kae depa kilitu, atima feané keletómó yalo Pitapaae duraalu, “Yata Juda whītei, Juda whīné dere alatóró ini, Juda meire fake whīné dere ala kaae du beterapó. Atéyaleteimo, Juda meire fake so whīpaae ɗa Juda whīné mara mole ala sya fɔpóló noatepa sɛtu betere?

¹⁵ ɗaɗa dowi ala dere Juda meire fake whī bitini, mo Juda fake whīné mara mole ala tuāmó deyale whīrape bitu, i fo ɗané mo kisiparapó.

¹⁶ Whī me dené kale yóló muló betere fo mo wisiyóló sya fóló erótu betepa, Kótóné ai whīpaae ya mo donoi whīpó fo yaalo meipó. Téyaalo meitei, Yesu Kerisopaae kisipa tiki tiratere ala betā kil-itu, Kótóné mo donoi whīpó fo enérápó. Atére betené Kótóné ɗapaaekélé whī wisipó yópóló kisipa mutu, Yesu Kerisopaae betā kisipa tiki tiró beterapó. Kale yóló muló betere fopaae ɗané kisipa tiróló sya fumipó. Ti noatepae, kale yóló muló betere fo sya fóló erótu betere whīpaae Kótóné me alakélé muni, mo donoi ala dere whīpó fo yaalo meipó.

¹⁷ ɗa Keriso tuāmó betereteiné ama ɗapaae mo donoi so whīpó yópóló wóputé fu betere tuāmó

ḁané du betere dowi ala ḥakearatepa, ḁané noa fo yaaloé? Kerisoné dowi ala wisirapa, deté fae fo enére? Mo meipó.

¹⁸ Kale tukóló muló betere fo aqomó sukóló betere alané Kótóné keletómó, wisi ala dere whi beteraairetei mo diripa kisipa mutu, yałotei ai tu mo taaralepó. Até yaletei, yało momómo duraalu, kale tukóló muló betere foné ḁa wisi ala dere whi beteraalopó depata, ti Kótóné tukóló muló betere fo yałotei tikitapóló ḥakearatapó.

¹⁹ Ti noatepae, kale tukóló muló betere fo mo turó yało kisipa yaleteiné ę sukale whi aqralepó. Atéreteiné, kale sukale whi ai fo aqomó momó kae netéro betaaloé? Meipó. Kótóné ama ala eróturaalu, ątamo mo ti beterópóló, kale tukóló muló betere foné ę dóló sukunalepó.

²⁰ Ẽta, Yesu Kerisotamo filipaa ni tómó taketi sukóló i mole ape. Atéyaleteiné ę momó kae bitini, Keriso ą ę tuamó beterałó. Mió haemó i betere yało mo tikita, ti ępaae yaala sókó fóló, tao suraalu ama betere bete ḥale melale whi Kótóné naalemapaae kisipa tiki tiró betereteiné i betere ape.

²¹ Ti Kótóné ama ḥale hamokoróló tao sere ala, yało me bete munire ọla aleróló, ḁepaae mulanénipó. Ti noa betené i fo du meipó. Kale tukóló muló betere fonétamo ḁa mo donoi so whi beteróluasóró, ti Yesu Kerisoné ama betere bete besekéróló, ą ḥale sukalepó fo uapó,”

3

Yesu Kerisopaae ó tukóló muló betere fopaae diaaq tuę tiki tiró beterémóló kęae kelae

¹ Kalesia hae kwiamó betó mole kisipa okokoi so whi-ó! Mé whiné hosó foné diaaḡ kisipa tiki feteróló, diḡ mo ti okokoraleé? Yalo diḡpaae kale fo wisi yó móturaalu, Yesu Keriso filipaa ni tómó oleralepóló yó male fo diaaḡ wosóló diḡné kelené mo kilitu yale kaae, ai kisipare ape.

² Yalo diḡpaae wosetere fo betḡ i ape. Kale Dḡi Kepe Wisi saletei-a, tukóló muló betere fo sya fele tikimó salepé, mo fo wisi wosóló kisipa tiki tiraleteiné saleé?

³ Diḡné kisipa tiki-a, noané mo ti okokoró betere? Kaae suta, ti kale Dḡi Kepe Wisiné fotokḡatepa kaae saletei, kemene fole kwiapaae sókó faairaalu, mo whiné bole fotokḡné sókó fenérápóló kisipa mute?

⁴ Diḡ Yesu Kerisopaae tué tiki tiróló ama ala eró taremó sekḡi ala wapatei, me ḡla meipóló ḡale beleté fu betaleteimó saaire dupu ḡale ḡla kaae taalaai kisipa mute? Ti ai doasi sekḡi ala beletu betaletei bete munipa ḡale yaleé?

⁵ Kótóné ama diḡ melale Dḡi Kepe Wisiró kele-mei ala eraleteitamo-a, kale yóló muló betere fo diaaḡ sya fele betemó melalepé, kale wosetere kisi fo wisi wosóló kisipa tiratere alamó melaleé?

⁶ Kale whi Abraham-paae erale ala mo wisiyóló kisipa muae. I fo aseýóló muló beterapó.

“Kótóné ḡpaae yale fo mo eraalopóló kisipa tiki tirale ala kolóló, i whḡta me dowi ala ini, mo donoi whipó,” erapó.

⁷ Térapa, mepaae so whi de Kótóné fo wosóló ḡpaae kisipa tiki tiratepa, ti atétere so whi Abraham-né naale senaaletóró beterapóló kisipa muae.

⁸ Juda meire fake so whinė Talepaae kisipa tiki tirateremó, Kótóné mo donoi so whípó yaairetei, taketi ašemó erapó. Dané mió i wosetu betere fo wisitóró mo take Abraham-paae itéró ipakalepó.

“I hae kwia dokómó betó mole so whi fea yapaae eraaitere alané wisiraalopó,” erapó.

⁹ Atére betené mepaae so whi de Talepaae kisipa tiki tiratepa, ti kisipa tiki tiratere seké Abraham wisirótu yale kaae, atéró kisipa tirale so whikélé Kótóné wisirótu beterapó.

¹⁰ Kótóné ama tukóló muló betere fo erótu betere alapaae kisipa tiki tiró bitinire so whi fea, ti Kótóné doratere ala aqmó ai betere ape. Ti noatepa mei, Kótóné i fo asęyóló muló beterapó.

“Mepaae so whi detamo Kótóné *buk*-mó tukóló muló betere fo mo fea sya fóló eró tanitepa, ti Kótóné atima mo doraalopó,” erapó.

¹¹ Ti noatepae, kale ašemó yóló muló betere fo i ape.

“Kótóné keletómó mo donoi so whıta, ti kisipa tiki tiratere alané betą bitiré fu betenérapoló,” fo erapó.

Kótóné tukóló muló betere fo eraté fu betaleteimó, mo betą whıpaaekélé Talené mo donoi so whípó enéniretei mó hakearapó.

¹² Ti Kótóné tukóló muló betere fo sya fóló erótu betere alata, ti kisipa tiki tiratere tuámó kaatumipó. Tétumitei, kale ašemó i ere fo kisipa muae.

“Mepaae whıtamo tukóló muló betere fo sya fóló erótu betepa, ti ama ai du betere ala tuámótóró ą beteraté faalopó,” erapó.

¹³ Kale tukóló muló betere foné doratere ala dāpaae eraq̄sóró, Keriso ą filipaa ni tómó sukuturāalu, dā tao sóró dupurālepó. Atéturaalu, doratere ala mo turó ąpaae erālepó. Ti noatepae, ašemó i fo erapó.

“Mepaae whi de ni tómó oloratepa, ti ai whi Talené mo ti mokoróló doró beterapó,” erapó.

¹⁴ Abraham-paae eraalopóló mulale fo mo dokonóturaalu, eratere wisi ala Juda meire fake so whinėkéle sópóló kisipa mutu, Yesu Kerisoné ama dā tao sóró dupuró beterapó. Atéreteita, dāné ąpaae kisipa tiki tiratepa, ama melaalopóló mulale Dęi Kepe Wisi sópóló erapó.

Kótóné folosóró i ala eraalopó ere fo melóló, nalo ti tukóló muló betere fo male ala

¹⁵ Norape-ó, ąło diāpaae i du betere fo bete diriyóló kisipa yaasepóló, dāné suka fea du betere alapaae dó faróló i dapa wosae. Mo whinė dirii fo dokóló muló betepa, nalo me whinė ai fo tokóló aluratere ala ó me kae fotamo olokeratere ala mo enénipó. ąło diāpaae i yaai dere fokélé atére kaaetórótipó.

¹⁶ Kótóné Abraham-ró ama deyaaire naaletamopaae i ala mo eraalopóló ašemó yóló muló beterapó. Kótóné ama *buk*-mó, “Naao deté faaire naalerapepó,” fo inipó. Ai fo uąsóró ti whirape feapaae erapó fo uąpó. Ai fo ini, “Naao deyaaire naalené deté faaire naalepó,” ere fota, mo betā whimó kisipa mutu erapó. Ai whita, Yesu Keriso ątórótipó.

¹⁷ ąło du betere foné bete i ape. Abraham-paae mo eraalopóló dirii fo dokóló muló betepa, 430 ba

fo kemeyalepó. Atéyale k̄lipaae kale tukóló muló betere fo sókó walepó. Nalo ai sókó wale foné Kótóné folosóró yale dirii fo tokóló alurótimpó. Ai fotamo aluratepa, ti ai fo tuamó so wh̄ipaae eraalopó ere wisi alakélé aluranérapó.

¹⁸ I dere fota noa betené dumipó. Kótóné nalopaae eraalopó yóló muló betere wisi ala kale tukóló mulale fo tuamó sókó wuʷsóró, ti Kótóné ama eraalopó yale fo tuamó sókó wuʷameipó. Até yaletei, Kótóné Abraham-paae eraalopóló ere fo mo dokonóturaalu, hamokoróló h̄ale melalepó.

¹⁹ Térapa, kale tukóló muló betere fo-a, noa betené melaleé? Ai fota, so wh̄iné du betale dowi alamó kale folosóró yale dirii fotamo touró beterapó. Ai alata, mo ti eréni, Abraham-paae eraalopó ere fo dokonóló ama deté waaire naale wópóló kaae taru erapó. Ai tukóló muló betere fota, so wh̄i feané kisipa yópóló *ensel*-rapené Kótóró so wh̄itamóné tuʷ wh̄ipaae melalepó.

²⁰ Fake tamóné tuʷ wh̄iné betʷ fake maaté tao su me fakemo taalatimpó. Tépatéi Kótó ʷta, mo betʷtóróti beterapó.

²¹ Kale tukóló muló betere foné Kótóné i ala mo eraalopó yóló muló betere fotamo b́oe dóló sesétu betere? Mei, ai ala mo dumipó. Kale tukóló muló betere fonétamo mo ti betaaire bete melóluʷsóró, ai foné me dowi ala munire so wh̄i beteróluʷpó.

²² Téuʷatei, Kótóné *buk*-mó aʷeyóló muló betere foné i fo erapó. I haemó betóló fale so wh̄i mo fea dowi alané dokóló, *dipula* bemó kaae beteró beterepó. Aita, h̄ale mei, Kótóné ama so wh̄ipaae eraalopó yale ala mo dokonóturaalu,

Yesu Kerisopaae kisipa tiró betere so whĩpaae melópóló erapó.

²³ Kisipa tiki tiratere ala hakearóló sókó waaipa, kale tukóló muló betere foné dā *dipula* kaae sóró beteró beterepó.

²⁴ Betā whĩ me tikipaae fimó ama naale senaale me whĩné kapala kaae tatu dere kaae, Kótóné kale tukóló muló betere foné ama so whĩ dā Yesu Keriso beterepaae alísóró fópóló, kapala asiri kaae tawae yóló sóró beteralepó. Ti aita hāle meitei, dāné Yesu Kerisopaae kisipa tiróló betepa, Kótóné dā mo donoi so whĩ beterópóló yalepó.

²⁵ Mióta, kale kisipa tiki tiratere ala sókó wóló, take kale tukóló muló betere foné dā teteróló kaae taretei, momó kae kaae tani, mo kemeró betera-pó.

Kótóné naale senaaletóró betera-póló ere fo

²⁶ Diā fea Yesu Kerisopaae kisipa tiki tiró betereiteiné Kótóné ama mo naale senaaletóró ai betere ape.

²⁷ Ti noa betené mei, so whĩ wēi kemó buó ditu dere kaae, diā fea Yesu Keriso tuamó wēi tópuró betera-pó. Atéreteiné kuti derótu dere kaae, Yesu Keriso diaa-q ai deró betere ape.

²⁸ Atéru, Juda fake ó Juda meire fake, wae sóró kutó diratere so whĩ ó diā mo hāle betere so whĩ ó diā fea fake teketu betereitei me q̄la meipó. Mió diā fea Yesu Keriso tuamó bitu, mo betā alatóró erapó.

²⁹ Diā Yesu Kerisoné ama so whĩtamo betepa, ti diā Abraham-né deale naale senaaletóró betereiteiné Kótóné Abraham-paae eraalopó yóló mulélipakale fo motóró dokonóturaalu, eraaire wisi ala diāpaaekélé eraalopó.

4

¹ Yalo i du betere fo bete mo whinė dere alapaae dó faróló dapa wosae. Beta néli whinė naalema alimané teraae fele mómu ọla ọla fea muó mupatei, kale naale ẹ ketepa, ẹ kaae tare whịrape aqomó bitu, ama kutó diratere whị sụ beterapó.

² Kale naale alimané teraae fele ọla ọla amatei tẹteróló kaae tawópóló tukóló mulale be de sókó waaipa, ti alimané sóró beterale whịrapené kale ọla ọla fea kaae tawaalopó. Mepaae whinė kale naalekélé kaae tapa, ẹ ai whị aqomó bitiré fu be-taalopó.

³ Take da atéro ketei naale senaale kaae betale alimó, i haemó ayarapené yó maté wale mara mole alané da tẹteróló kaae taru, wae sóró kutó diratere whị beteraté wou betalepó.

⁴⁻⁵ Téyaletei, Talené ama tukóló muló betere be de sókó wapa, ama naale i haemó betere soné deyópóló doteyalepó. Ai naale ẹ kale tukóló muló betere fo aqomó betere so whị dupuraairaalu, ẹ ai fo aqomó sukóló betalepó. Atéyale alata, da Kótóné ama naalerapetóro bitu, ama wisi wisi ọla sópóló kisipa mutu erapó.

⁶ Ti noa betené meipó. Diẹ fea Kótóné naale senaaletóro betepa, ama naalema Yesu betale sirimó beteraaire Dẹi Kepe Wisi dané hosaa tuamó beterópóló doteyalepó. Ai Dẹi Kepe Wisi da tuamó betereteiné dané kolómó Alima Kótópaae “Apa, Aya-ó” du beterapó.

⁷ Atéreteiné, mió diẹ wae sóró kutó diratere whị momó kae bitini, mo ama naale senaaletóro betereteiné Kótóné Yesupaae eratere wisi wisi ala, diapaaekélé eraalo ai ape.

Pol-né Kalasia so whīmó kisipa mutu yale fo

⁸ Kótóné ama aleyóló muló betere ɔla ɔlatei Kótópóló aɔmó sukóló betepa, ai ɔlarapené diɔ wae sóró kutó diratere so whi betalepó. Atétu betale alata kapala kótó ai ape.

⁹ Taketa atéyaletei, mió diɔ mo Kótó tuérapó. Tépateti, Kótóné ama diɔ mo tuérapó. Atérapa, diɔ ai bete munire hoko alarape aɔmó betaai momó fesaae fute? Diɔ atimané wae sóró kutó diratere so whi momó betaai de?

¹⁰ Ti yalo i dere fota hale dumipó. Diaaɔtei mepaae be de mo doasi bete mulapóló, be derapekélé, wéliérapekélé, alirapekélé, ba forapekélé, kae tukóló mulótua dapó.

¹¹ Yalo diɔ tao saai dapóló doasi keteké buóló du betale ala bete munire nisi erótu betepa, yalo diɔmó kisipa mutu, ɛ mo doasi whaaliatu beterapó.

¹² Norape-ó, i dere fo wisiyóló wosae. Take diɔné du betere ala yalo sɔróló du betepa, diɔné ɛpaae me sekei ala erénipó. Atéyalepa, mió diɔmó yalo du betere ala sɔróló du betae.

¹³ ɛ me tikipaae faai yaleteti hepo daayóló bitu, folosóró sukamó kale mió wosetere fo wisi yalo diɔpaae yó maletei diɔné ai kisipare ape.

¹⁴ ɛ tikimó daayale heponé diɔpaae sekei ala eraleteti, diɔné ɛ dei kelené kólóló faletere fokélé inipó. Ai ala ini, diɔné ɛ Kótóné *ensel* aɔróló mo wisiyóló dape salepó. Ó kale Yesu Keriso a wisiyóló dapesu dere kaae, ɛ mo wisiyóló dape salepó.

¹⁵ Diaaɔ take du betale doasi hekesei ala mió

netéyaleé? Diñané epaae doasi koletere ala mulu, kele sokóló me whi matere ɔla uasóró, yalo kele kisi daaleteiné diñané kele sokóló ɛ bulóluapó. Mepaae whiné wosetepa, ti diñané epaae erale ala fea yalo enérápó.

¹⁶ Mió yalo diapaae mo bete mole fo yó matereteiné ɛ diñané bóe whi aqrótu betere?

¹⁷ Ai whirapenéta, diɔ atimatamo touróló beteraai dapóló, doasi ketekɛ buóló atima mara mole alarape yae yóló sɛtu beterapó. Tépateti, atimané diapaae ai eraai du betere alata, mo wisinipó. Ti aita, diɔ dɛtamo betámó betereitei tekeróló, atimané dere ala sya wópóló, du beterapó.

¹⁸ Mepaae wisi ala yaai, kisi pa mutu butere ketekɛta, ti doni mo wisirapó. Diɔ ɛtamo betere sukamó maaté wisi ala eraai ketekɛ buni, ɛ alupa diɔsisi bitukélé ketekɛ buóló, ai alatóró yó tapa, mo wisirapó.

¹⁹ Yalo hosaa mole naale senaale-ó, Yesu Keriso diaaɔ betere bete tuámó sóró beteranée yóló mutere kisi pané yalo hosaa betemó dere suputa, sorape naale sisó nukuraalu dere dele kaae momómo dapó.

²⁰ Diaaɔ du betere ala yalo wosaletiné ɛ sekɛi kisi pa muóló fomo duraalu, diɔ neyóló tao saaloé du beterapó. Téreteiné yalo i dere hapólui fo taaróló, ɛ diɔtamo betámó bitu, naameiné dua uapóló, kisi pa mutapó.

Hekaró Seratamopaae dó faróló dere fo

²¹ Kale tukóló muló betere fo aqmó betaai kisi pa mutu betere whirape-ó, ai fo tuámó mole fo diɔ wisiyóló kisi pané?

22 Ti noatepae, i fo aseyóló muló beterapó. Abraham-né ama naale tamo deipakalepó. Me naale ti ama kutó dirópóló wae sale soné deyóo, me naale ti ama mo soné deyóo, ipakalepó.

23 Kale kutó diratere soné naaleta, ti mo sorapené naale detere kaae yólótóró dealepó. Téyaletéi, ama mo soné naaleta, ti mo eraalopó yóló muló betere fo dokonóturaalu deipakalepó.

24 I fota take mo yale alatei, mió yalo fo sale fopaae dó faróló i dapa wosae. Ai so tamota, kale dokóló mulale dirii fo tamo sụ sóró dapó. Me dokóló muló betere dirii fo, ti Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beterapó. Ai sұratere sota, Hekar-pó.

25 Hekar-ta, ti Arabia hae kwiamó daale Sainai hasipaae dó falatapó. Mió tene be hulua Jerusalem-ta, ti kale Sainai hasi fosó kaae bitu, ama naale senaaletamo wae sóró kutó diratere so whítóró beterapó.

26 Tépatei, me kae taoró tene Jerusalem be hulu-ata, wae sóró kutó diratere so whị kaae mei, mo be huluapó. Aita, dą deale so dạné haetórótípó.

27 Ti noatepae, i fo aseyóló muló beterapó.
“Naale senaale deni, ni daale so-ó, fo fakeyóló hẹkesei fo du betae.

Naale sisó nélite so hainé sukutu betae.

Ti noatepa meipó. Ni daapa sisópaae eró betere soné deale naale mo dekéro betóo, whítamo betere soné detere naale senaale mo teraae fóo erapó,”

28 Norape-ó, diąta, kale Aisak detu yale kaae, ama eraalopó yóló mulale fo mo dokonóturaalu

deyale naale senaale ai betere ape.

²⁹ Até yale sukamó mo whinė detere kaae yóló deyale naalené Dẹi Kepe Wisiné fotokóné deyale naalepaae susupui ala eralepó. Até yale kaae, miókélé betá alatóró du beterapó.

³⁰ Téretei, Kótóné *buk*-mó noa fo aseyóló muló betere?

“Kale wae sóró kutó diratere soró ama naaletamo hókó falae,” fo erapó.

Ti noatepae,

“Kale kutó diratere soné naaleró mo soné naaletamo alimané ọla ọla tuámó bukuraqsórópa, hókó falae,” fo aseyóló muló beterapó.

³¹ Atérapa, norape-ó, ẹta kale wae sóró kutó diratere soné deale naale senaale kaae bitini, mo soné deale naale senaaletóró ai betere ape.

5

Keriso tuámó me alané dokoni, feléyóló betere ala

¹ Dẹ mené wae sóró kutó diratere whị kaae, dokóló muló betepa, Yesu Kerisoné teraayóló hẹle beteraleteita, ama kisipa mole ala erópóló erapó. Térapa, mepaae whịrapené ẹi wae sóró kutó diratere whị beteraaitepa, ai ala tuápaae momó kae bitị feni, fotokọ buóló diri yóló betae.

² Ẹta Pol-né dapa, yalo i dere fo ẹiáné mo wisiyóló wosae! Mepaae whinė ẹiápaae tiki sekẹ tikae yóló sẹtere fo diaaọ wosólótamo tikitepa, ti Yesu Kerisoné ẹi tao saaire wisi ala diaaọ ai tikitere ape.

³ Kale yale fo momó i dere ape. Whi me dené ama tiki sekaꝑ tukópóló kisipa mutepa, ti mepaae tukóló muló betere forape fea mo turó sya fóló enérápó. Mepaae ala maaté eróturaalu, mepaae alamo erénitepa, ti tų muni, ai mo dorapó.

⁴ Diꝑ mepaae whinė kale tukóló muló betere fo sya fu betepa, Kótóné me dowi ala munire so whipó yópóló kisipa mutepa, ti Yesu Kerisotamo tekeyóló ai betere ape. Atéturaalu, Kótóné ama hamokoróló hꝑle tao sere ala wisikélé diaaꝑ ai taaló betere ape.

⁵ Tépatēi dꝑta, kale Dēi Kepe Wisiné fotokꝑratepa, kisipa tiki tiraté fu betereteiné take nalopaae Kótóné mo donoꝑ so whipó yópóló kisipa mutu, hꝑkesetamo i betere ape.

⁶ Ti noatepae, Yesu Keriso tuꝑmó bitu, tiki sekaꝑ tukóló siriraterē ala ó siri erénitere ala me bete munipó. Kótópaae kisipa tiki tiraterē ala dꝑ tuꝑmó moletei hꝑkearóturaalu, mepaae no nerapepaae yaala sókó fole ala betꝑ mo doasi bete mole ala ai ape.

⁷ Diꝑ me ɔla saai sururu yóló fóló, dꝑle muló betere tikimó sókó faai yaletēi némo sesé yaleé? Atéró sesétu betere alata, mo bete mole fo diꝑné wosóló sya faꝑsóró, ai du betere ape.

⁸ Ti diꝑpaae ai dotopoi fo du betere fota, diꝑ ꝑ beterepaae ape yale seké meipó.

⁹ Wuliné apita, sawa ɔlatei fulukó furaalu, mo wuli tiki dorótu dere kaae, ai whiꝑapené diꝑpaae yó matere foné ai du betere ape.

¹⁰ Diꝑ me kae fo woseni, yało i dere fo betꝑ wosóló sya faalopóló ꝑ Tale tuꝑmó bitu kisipa tiratapó. Mepaae whi de doasi doi mole whi ó

doi munire whinė diaaꝯ tué tiki kóló kólóratepa, atétere whi doasi dowi kwia saalo ai ape.

¹¹ Norape-ó, yałotamo tiki sekaꝯ tikaꝯ fo depa, ti atimané ɛpaꝯ susupui ala noatepa haꝯe erótu betere? Yało atei kaaꝯ fo yó meluꝯsóró, Yesu ni tómó sukálepóló yó matere fo wosetere hóróló sisópaaꝯ eratere ala uꝯameipó.

¹² Diꝯ kópaaꝯ falaai du betere whirapeta, atimané tiki sekaꝯ tukóló siriratere ala maaté ini, mo turó tukóló taaꝯ fatepa ti mo wisirapó.

¹³ Yało no nerape-ó, me ɔlané diꝯ dokóló muló betaꝯsóró, teraaꝯ fóló haꝯe beterópóló, Kótóné ɔ beterepaaꝯ ape yalepó. Atéró teraaeyóló haꝯe beteró beterapa, diaaꝯ tó tikié ekɛlere dowi ala yaaire tɛ melaꝯse. Aténi, diꝯ tuꝯmó yaala sókó fole ala duraalu, u taosu i taosu dere ala betꝯ yó tawae.

¹⁴ Kale tukóló muló betere forape mo fea i doasi fo tuꝯmó bulapó. Ai fota i ape.

“Naaotei ya yaala sókó fu dere kaaꝯ, naao be whi no nepaaekélé atéró yaala sókó fu betae,” erapó.

¹⁵ Ai ala ini, yuwitamo hɔle suraalu u tukósu i tukósu dere kaaꝯ depata, ti atétere alané diaaꝯtei diꝯ dóló kemeraꝯsóró, mo hotowa yóló kaaꝯ tawae.

Dei Kepe Wisiné fotokꝯró betepa dꝯ beterapó ere fo

¹⁶ Térapa, yało i dere fo wosae. Kale Dei Kepe Wisiné yae dere ala sya fóló erótu betae. Atétepa, ti diꝯané tó tikié ekɛle yóló yaai du betere dowi ala mo yaalomeipó.

17 Ti noatepae, ɗané tó tikiné ekele yóló du betere alané kale Ɗei Kepe Wisiné eraai dere alatamo bóe du beterapó. Kale Ɗei Kepe Wisinékéle ama ala eraairaalu tó tikiné eraaire alatamo bóe du beterapó. Ai ala tamo atimaamotei bóe dupa, ti ɗané tó tikiné ekele yóló yaaitere ala mo enénipó.

18 Tépatéi, Ɗei Kepe Wisiné ama erae dere alatamo naao sya fóló du betepa, ti kale tukóló muló betere foné teteróló kaae tare aqomó ya betenipó.

19-21 Tó tikiné ekele yóló du betere alarape so whi feané kisiparetei dosaatapa wosae. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepaae alarapepaae kisipa tirótu betere alakélé, isi whiné du betere alakélé, mepaae so whitamó dei kisipa mutu, hamoma hóratere alakélé, hõle sere alakélé, me whiné dere ala kilitu, ekélé até enée yóló dei kisipa mutere alakélé, mo dowi fopaae butere alakélé, doasi doi mole so whipó yópóló du betere alakélé, mo turó so whi betepatei mepaae tóróti so whi fake tekeyóló betere alakélé, fake tuamó teketere alakélé, mepaae whiné dere wisi ala kilitu, ekélé até uapóló dei kisipa mutere alakélé, dowi wei nóló topo dotere alakélé, so whi fea touróló bitu dowi wei nóló du betere dowi alakélé, ai dosayayale alarapekéle, mepaae dosani yale dowi alarapekéle, tó tikiné ekele yóló du betere ala ai ape. Ɗi dowi tūpaae faqsóro, yalo ɗiɗapaae take yale ma fo kaae momó i dapa wosae. I dosayayale dowi ala du betere so whi Kótóné teteróló betere ala tuamó

beterénipó.

²²⁻²³ Tépatei, niné du wisi oletu dere kaae, Dèi Kepe Wisi so whì tuámó bitu, i alarape erótu betepa kelaalo ai ape. Ne nopaae yaala sókó fole alakélé, hosaa tuámó haìtu betere alakélé, hosaa muni deyóló mo dua betere alakélé, mené sekèi ala eratepatei me ọla meipóló, Kótóné ama kisipa mole ala erópóló, kaae tawóló dua betere alakélé, wisi kisipa muóló kọlené sukutere alakélé, mepaae so whìpaae wisi ala eratereteikélé, mepaae whìné ama eraalopó dere ala haşókó feni, motóró eratereteikélé, naameyóló mo dua betere alakélé, whìné tó tikiné enée dere ala yaşóró amatei ą tẹteróló kaae tareteikélé, i dosąayale alarape mo betąkókélé Kótóné ama tukóló muló betere foné yaşse yóló fo muló bitinipó.

²⁴ Yesu Kerisoné ama dape sóró beteró betere so whìné tó tikimó bole ekẹleró kisipanétei senée dere alatamo alurópóló, ątamo filipaa ni tómó oleró beterapó.

²⁵ Dą betere beteta, kale Dèi Kepe Wisitóró ai ape. Térapa, ątamo betámó titiyóló furaalu, ama dere ala sya fóló yaalopa siépe.

²⁶ Dąnétei ẹta, doasi doi mole whìpóló bopé fake dere alakélé, me whì dowi kisipa muópóló sese-meratere alakélé, mepaae whìné mole wisi wisi ọla kilituraalu, ẹkélé ai ala enée yóló, u só derótu i só derótu dere alakélé, i dosąayale alarape fea dąné yaşse yóló i dere ape.

6

Dowi ala dere whì tų wisipaae fópóló tao sae ere

fo

¹ No nerape-ó, mepaae whiné du betere dowi ala diñé kelené keletepa, Dêi Kepe Wisiné yae dere ala sya fu betere so whiné ai whiné ama dere dowi ala taaróló, wisi ala momómo yópóló dua naamei ma fo yae. Tétutei, ai alané diákélé dée nalaairaalu sù sere ala eraq́sóró, hotowa yóló kaae tawae.

² Yesu Kerisoné yae yóló muló betere fo eróturaalu, diã tuãpaae wou betere sekêi ala diãsisi u taosu i taosu du betae.

³ Me whî ă me bete munipatei, ama kisipané ă doasi doi mole whípó du betepa, ti ă amatei dilikitu beterapó.

⁴ No nerape-ó, diñé ai du betere alata wisi ala dépé, dowi ala déró diaaq̄tei k̄aae kolóló taleyae. Mepaae whîrapené du betere ala kolósu naao dere ala kolósu yóló k̄aae kelaq̄se. Aténi, naao ditere kutó betã k̄aae kolóló wisirapóló kisipa mutupa, ti ya h̄keseturaalu haiyóló betenérápó.

⁵ Ti noatepae, Talené dã betã betã so whiné diyópóló tukóló muló betere kutó dekani, ai kutó amatóró dité fu beterópóló yae.

⁶ Mepaae Talené fo yó matere whiné yó matere fo wosetu betere so whiné wisi wisi ɔla, mepaae bukóló kale fo yó matere whî ămo tao sóró matepa mo wisirapó.

⁷ Mené diã dilikitere ala yaq̄sóró yae. Mo betãnékélé Kótó faletere ala mo enénipó. Ti noatepae, mepaae whiné noa ɔla wae bilitepa, ti ama ai bilitere ɔlatóró ɔlumétepa sua dapó.

⁸ Mepaae whiné tó tikiné felé yaaitere ala sya foleteiné ɔla wae kaae bilipa, ti tó tikimó kaaróló mo ti doróló aluyaaaitere ala saalo ai ape. Mepaae

whiné Dēi Kepe Wisiné ama du betere ala wisi kolópóló erótu betepa, ti Dēi Kepe wisiné ai whimó mo ti betó tawaaire bete melaalopó.

⁹ Dāné du betere wisi ala hōyóló taarēni, hāle detétóró fu betae. Ti noatepae, dāné du betere alatamo hāle yó tapa, ti ɔla ɔlumétere alimó ɔla wisi su dere kaae yaalopó.

¹⁰ Térapa, so whi mo feapaae dāné wisi ala erótu tao saaire tɔ mupa, ti tao saalopa siépe. Téturaalu, Talepaae kisipa tiki tiróló betere so whita, ti dāné ne no mo betā faketóró betereteiné atima wisiyóló tao senérápó.

Tiki sekæ tikitere alata doasi bete muni, Keriso sukæle ala betā ti doasi alapó

¹¹ Diāpaae i ɔlatere ašeta, yało naasenétei mo doasi yóló ai erapa kelae.

¹² Tó tikimó ere ala kilitu, whi wisipóló duki-ratere fo wosaai ekele du betere whirapené diāpaae tiki sekæ tikae yóló dotopo du beter-apó. Ti ai du betere alata, hāle mei, Yesu Keriso filipaaró betere ni tómó sukælepóló yó mótu betereteimó, atima susupui ala eraqsóró kisipa mutu ai du betere ape.

¹³ Ai kale tiki sekæ tikire whirape atima Kótóné tukóló muló betere fo feamo betere dokɔ sya fóló erótumipó. Téretei, atima ere kaae, diækélé tikimó siriratepa, atimané dere fo betā wose-tapóló, atima bopé fake yaai kisipa mutu šetu beterapó.

¹⁴ Yało dere alamó ɛ bopé faketuraalu, yałotei yało doi hale sóró horatere ala yaalomeipó. Aténi, dā tēteróló kaae tare whi Yesu Keriso oleró betere

filipaa ni betā kisipa muóló, ita mo doasi bete mole alapóló bopé fake yaalopó. Ti i haemó yó mole ɔla ɔla fea ni tómó oleróo, yálo ai ɔla ɔlarape saai ekele yaosóro ekélé ai ni tómó oleróo yalepó.

¹⁵ Tiki sekaɛ tikitere ala, ó tikinire alata, me bete munipó. Mo bete mole alata, ti Kótóné ama kae kisi kaaró betere ala betā mo bete mulapó.

¹⁶ Ai ala wisi sya fu betere so whi feapaae Kótóné hosaa muni deóló mo dua betere alaró kolené sukóló tao sere alatamo erópóló yae. Atére so whita, Kótóné ama naale senaale Israel fake ai apé.

¹⁷ Yálo mo kemerótu dere fo i ape. Yesuné ama ala erateremó erale sirirape betā yálo tikimó mulapa, mepaae whiné ɛ eróturaalu, dere kae kae sekei ala mo sɔpa taalae.

¹⁸ No nerape-ó, da tɛteróló kaae tare whi Yesu Kerisoné hamokoróló hale tao sere ala diané kepe bete tuapaae erópóló yae. Mo kée. Táyópóló yae!

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105